



**ATASSUT**

**UKA 2016/28-1**

**Siverth K. Heilmann**

**29. 09. 2016.**

**Sermip erngullu avammut nioqqutissatut atorneqarnissaat pillugu Inatsisartut inatsisaata allangortinneqarneranik Inatsisartut inatsisaat nr. xx, yy 2016-ini imeersoq. (Avammut annissuinissamut pisortani pilersuisumit sermimik imermillu pisinissamut inatsi tungaviusup allangortinneqarnera)**

(Inuussutissarsiornermut, Suliffeqarnermut Niuernermit Nunanullu Allanut Naalakkersuisoq)

Sermip erngullu avammut nioqqutissatut atorneqarnissaat pillugu Inatsisartut inatsisaata allangortinneqarnissaanik Naalakkersuisuniit saqqummiunneqartoq imatut naatsumik ATASSUT-miit oqaaseqarfigissavarput.

Inatsisissatut siunnersuut 1. Januar 2017-imi atuutilersinniarneqartoq siuariartortitsinissamik, suliffissaqartitsinissamik aammalu avammut niuernermit isertitaqarnerulernissamik naleqqussaaniarneruvoq pisariaqarluinnartoq, taamaalilluta Kalaallit Nunaata ernganik nunarsuarmi niuerfinnut avammut niueruteqarnissamik kissaateqartut pitsaasumik periarfississavagut.

Naalakkersuisut taamatut siunnerfeqarneqarat ATASSUT-ip tamakkiisumik tapersorsorpaa, inassutigissallugulu tusarniaanermi oqaatigineqartut pisarnertuut ataatsimiititaliami susassaqartumi nalilersorluarneqarlutik aappassaaneerisoqannginnerani suliarineqarnissaa.